



Broj: 01-2-185/20

Datum: 07.05.2020. godine

Na temelju člana 64. stav (1) tačka b, člana 70. st.1., 3. i 6. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 09-3-184/20 od 06.05.2020. godine, u postupku javne nabavke hrane, pića i srodnih proizvoda za školu u prirodi u Šabićima, direktor **škole** je donio

## **ODLUKU**

***o izboru najpovoljnijeg ponuđača u otvorenom postupku za dostavu ponuda za javnu nabavku hrane, pića i srodnih proizvoda za školu u prirodi u Šabićima***

### **Član 1.**

Prihvata se Preporuka Komisije za javne nabavke, broj: 09-3-184/20 od 06.05.2020. godine i ugovor za javnu nabavku hrane, pića i srodnih proizvoda za školu u prirodi u Šabićima, dodjeljuje se ponuđaču **LALA I LAĆO D.O.O.**, ponuda broj: 200/20 od 31.01.2020. godine ukupan broj bodova ponude je 97,50, za ponuđenu cijenu **107.946,70 KM** bez PDV-a, i rok plaćanja 30 dana kao najbolje ocijenjenom ponuđaču.

### **Član 2.**

Ova odluka objavit će se na web-stranici [www.oszk.edu.ba](http://www.oszk.edu.ba) istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

### **Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

## **Obrazloženje**

JU OŠ „Zaim Kolar“ Odlukom o pokretanju postupka javne nabavke broj: 09-3-20/20 od 13.01.2020. godine je pokrenula postupak javne nabavke hrane, pića i srodnih proizvoda za školu u prirodi u Šabićima za 2020. godinu putem otvorenog postupka za dostavu ponuda objavljenog na Portalu javnih nabavki dana 16.01.2020. godine - obavijest o nabavki broj: 3011-1-1-3-1/20, a objavljeno je i obavještenje u Sl. glasniku BiH. Procijenjena vrijednost javne nabavke bez PDV-a je **110.000,00 KM**.

Škola je u predviđenom roku zaprimila 2 blagovremene ponude ponuđača:

**1. Vega-pak d.o.o.** – vrijednost ponude **108.655,27 KM**

**2. Lala i Laćo d.o.o.** - vrijednost ponude **107.946,70 KM**,

U toku ocjene prispjelih ponuda Komisija za javnu nabavku imenovana Odlukom broj: 01-2-84/20 od 04.02.2020. godine je utvrdila da su blagovremeno pristigle dvije ponude ponuđača **VEGA-PAK D.O.O.** i **LALA I LAĆO D.O.O.** te da su obje ponude prihvatljive.

Primjenjujući kriterij ekonomski najpovoljnije ponude sa podkriterijima cijena (90%) i rok plaćanja (10%), Komisija je kao povoljniju ocijenila ponudu ponuđača VEGA-PAK D.O.O. i dala preporuku da se donese odluka o dodjeli ugovora ponuđaču VEGA-PAK D.O.O. ponuda broj: 01-03-02/20 od 03.02.2020. godine ukupan broj bodova ponude je 99,37, za ponuđenu cijenu **108.655,27 KM** bez PDV-a.

Ponuđač Lala i Laćo d.o.o. Bijeljina uputio je žalbu na Odluku o izboru najpovoljnijeg ponuđača broj 01-2-91/20 od 07.02.2020. godine. U žalbi ponuđač Lala i Laćo d.o.o. navodi da ponuda ponuđača Vega-pak d.o.o. nije u skladu sa postavljenim zahtjevima u tenderdskoj dokumentaciji te se pobija navedena odluka kao nezakonita.

Ugovorni organ je žalbu ponuđača Lala i Laćo d.o.o. ocijenio kao djelomično osnovanu, pa je u skladu sa članom 68. stav 4 tačka (i) Zakona o javnim nabavkama, ponudu ponuđača Vega-pak d.o.o. Hadžići ocijenio kao neprihvatljivu. Također, ugovoreni organ je došao do saznanja da je protiv Milivoja Stanivukovića kao ovlaštenog lica firme Lala i Laćo d.o.o. Bijeljina vođen krivični postupak zbog počinjenog krivičnog djela zloupotreba u postupku javne nabavke, a da je isti ovlašteno lice bez ograničenja ovlaštenja te da je dao i potpisao Pismenu izjavu iz člana 52. Zakona o javnim nabavkama te je Ugovoreni organ smatrao da je navedenom presudom i krivičnim djelom, dokazano svjesno izvršenje i namjera izvršenja teškog profesionalnog prekršaja predviđenog članom 45. stav 5 Zakona o javnim nabavkama BiH („Službene novine BiH“ broj: 39/14), i ponudu ponuđača Lala i Laćo d.o.o. Bijeljina ocijenio kao neprihvatljivu. Zbog navedenog Ugovoreni organ donosi Odluku o djelomičnom usvajanju žalbe i poništenju postupka javne nabavke hrane, pića i srodnih proizvoda za školu u prirodi u Šabićima broj: 01-2-133/20 od 27.02.2020. godine.

Na Odluku o djelomičnom usvajanju žalbe i poništenju postupka javne nabavke hrane, pića i srodnih proizvoda za školu u prirodi u Šabićima broj: 01-2-133/20 od 27.02.2020. godine ponuđač Lala i Laćo d.o.o. podnosi žalbu u kojoj navodi da je odluka nezakonita i da je utemeljena na nepravilno utvrđenom činjeničnom stanju. Navedena žalba je prosljeđena Uredu za razmatranje žalbi BiH.

Rješenjem Ureda za razmatranje žalbi broj JN2-03-07-1-609-7/20 od 16.4.2020. godine žalba je usvojena i poništena je odluka o djelomičnom usvajanju žalbe i poništenju postupka broj: 01-2-133/20 od 27.02.2020. godine te se predmet vraća ugovorenom organu na ponovni postupak.

Komisija za javne nabavke je u ponovnom postupku ocijenila ponudu ponuđača Lala i Laćo d.o.o. ponuda broj: 200/20 od 21.01.2020. godine, kao jedinu prihvatljivu za ponuđenu cijenu od **107.946,70 KM** bez PDV-a te dala preporuku da se isti izabere kao najbolji ponuđač.

#### **POUKA O PRAVNOM LIJEKU**

Protiv ove odluke može se izjaviti žalba najkasnije u roku od 10 (deset) dana od dana prijema ove odluke.



Potpis odgovorne osobe

#### **Dostaviti:**

- Ponuđaču: VEGA-PAK D.O.O. Sarajevo
- Ponuđaču: LALA I LAĆO D.O.O. Bijeljina